


鄆州志

徵



鄆州志卷之六

祠宇志

古聖王之制祭祀也法施於民則祀之以
死勤事則祀之以勞定國則祀之能禦大
災則祀之能捍大患則祀之至於日月星
辰民所瞻仰也山川丘陵民所取財用也
非此族也不在祀典自秦漢以來禱祀祈
弭之說盛行於世廟宇寺院輪奐之美無
處不然豈時俗之莫可移者耶茲於秩祀



外凡屬境內祠宇雖不在祀典而為衆所瞻仰者亦為之記其名記其地焉撰祠宇

志 郡人任子嶠

舊志郡人王邦俊曰祠廟多用以祈福觀寺多創於唐而近代不以為重祈福者世多崇尚然不在祀典祀典所及甚少然而祠祀亦非苟焉而已作祠宇志

祠廟

城隍廟

在州治西康熙四年副使馬公元鮑公開茂知州顧耿臣重修

關王廟

一在北門內舊志言初在北關東城下元至正十一年重修有元判官王君敬所鑄鐵鼎嘉靖年大水崩沒止存鐵鼎因移建北門內一在西街順

東嶽廟

治四年副使耿公應衡率守備韓范聞道人雷德壽建在東門外舊志元皇慶元年鄉民劉仲文修嘉靖三十七年副使王公楠重修康熙五年副使鮑公開茂知州顧耿臣重修

上帝廟

在龜山永樂九年知州鞠斌建

龍王廟

在北門外嘉靖七年副使汪公珊知州杜蕙建有碑記

真武廟

在北三里山上康熙四年副使鮑公開茂知府王公廷弼推官劉公翊聖知州顧耿臣重修招黃冠任持增建

孫真人祠

唐諫議大夫孫思邈祠一名藥王洞一在開元寺城一在州西六十

五里張

村驛

馬王廟

在北關

后土祠

一在南關一在小什字

火神廟

在開元寺坡嘉靖三十八年道人霍教真建

三義廟

順治六年署兵備樂廷秀率道人雷德壽建

老君庵

在張村川

崔府君廟

一在直羅元至正二十八年鄉民吉良建一在皇甫鎮一在牛武鎮

絳節閣

在州南道田嶺

鄜時祠

漢志秦女公東獵汧渭夢大蛇止於鄜時以問史敦敦曰此上帝徵君君祠之於是作鄜時祠以祀天今廢

八蜡廟

在南關存址

杜公祠

唐杜少陵寓居三川羗村州舊有祠今廢

按舊志有一老君廟在北關於嘉靖四十

一年被河伯侵去又有廣應公廟在城南

四十里元大德八年達魯花赤及曹元亨

所建有玉女祠在城西風伯廟在城北五

里三聖廟在養濟院後今基址皆無可指

陵谷之變乃爾也鄜時八蜡杜公三祠雖

已頽廢地址尚有可指此三祠不可不有

今列於見在祠宇之內以待建修至若各鄉村尚多小祠舊志不載今亦不必詳載也

君子慕古人之賢如孝子之思其親見似而瞿聞似而瞿不必其果現在也韓范二公功烈在鄜其祠附廟學內春秋祭享杜少陵以携家寓居三川羗村亦有祠祀今三公之祠雖燼然無餘矣而人心瞻仰常若榱棟几筵在茲焉邇來城郭完矣公署

廬舍廟學治矣吾知必有按圖索址起而為三賢祠宇者何也好古者之心應然亦古人之德使之然

寺院

開元寺

在城西北山阿有白松古栢城內半山有塔順治十二年僧正蘭常智重修

北山寺

在城東北山阿

觀音殿

在開元寺坡

栢山寺

在州西九十五里直羅

按栢山寺在州西九十五里滿山皆栢而
寺在栢間因以名也古塔聳出殿閣亦若
此隱若現碑識唐太宗為秦王時出征次山
下病疽夢金人敷藥大愈許以建寺洎登
開大位遣闍人某成功果今壁間畫太宗像
人傳以為千餘年畫與壁常不壞其言於
理亦未可信大都山水秀朗翠栢蔚然有
足觀者

石泓寺

石泓寺在州西一百三十里石山如砌鑿
門而入為佛殿大佛三尊四面小佛尺許
者不知幾百千几龕楹柱之間無處非佛
皆連山為一塊石工巧之極亦不知創自
何代

何代

雲寂院

一名里村寺在楊圈原有小塔順治
十八年僧正蘭重修

壽峯寺

在州西一百二十里黑水寨下

通貞觀

在張村川

龍安寺

在八合州西南三十五里天啓六年
僧海元重修

三泉寺

在屯磨州南五十里

福嚴院

在柳池州西五十里有塔

天寧寺

在羗村州西北三十里

寶嚴院

在白雲山

隆麓寺

在隆益州西一百四十里

暖泉寺

在州西一百里

靈慶寺

在州西三十里

清泉寺

在州東北四十里

大像寺

在樓門寨

曹村寺

在州西五十里

蒿穎寺

在州西一百六十里

照八寺

在州西四十里

龍首寺

在城東

交道寺

在城東二十里

維摩寺

在黃甫店谷口

昇仙觀

在城北五里

准提庵

在城內西山順治四年兵備耿公應

精嚴院

在花家堡

安樂寺

以下舊志雖載今俱廢

廣嚴寺

龍泉寺

福勝禪院

龍興寺

義濟院

英列寺

崇慶觀

迎仙觀

按鄆境寺院兵火後存者十之三圯而墟者十之七承平以來沙門檀越亦多重脩而壯麗者凡此不關國家力役乃民間自爲興廢亦可以覘生齒之繁焉可以覘民力之暇焉可以覘衆志之善焉

六卷終編對辛刻與大餘并皆十六三十四

鄆州志卷之七

記異志

天道遠人道邇談何容易自班氏祖董京
 歆向之說某徵休咎由某事得失雖未必
 盡然大約以脩省示意也茲遵舊志凡災
 異必書至崇禎年間饑荒賊寇一時各郡
 縣邑罹則俱罹不獨一鄆為然然亦無足述

或約略而紀之撰記異志

郡人任于嶠

舊志郡人王邦俊曰孔子不語神怪而辨
 專車積羊學者當何法焉世所睹見常理

不可以侯六籍所不能譚者多矣至於神
道設教察稜禪而修政曷可廢也余無暇
為齊請之語因博士所錄仙釋災異為記
異志

仙釋

雜道人

不知何許人常遊洛交遇異人得秘
訣豫知休咎劉延慶敬重之靖康二
年春忽大哭於市別鄉里去及汴梁
隋二帝北狩乃哭之日也

潤澤道人白守一

本大山寨穴溝人自幼禮
鑄父入無為之室閉門不出因號碧
然子至元四年五月鄜延不雨屢禱

無徵乃請碧然子至即雨當道奏請
勅賜潤澤真人後入華峰隱跡至壬
戌復見乃呼門童屬之曰吾不可久
留矣遂沐浴整衣冠而去門徒百餘

人拔號莫及因焚其骨於河東今其
庵尚存更名白氏庵碑記猶存惜全
文無考也

本天竺摩伽國僧也來至鄜州與河
中梵學僧法進共譯經典始出無量
壽尊勝二經七佛贊知州王龜從潤
色之法天獻於闕下宋太祖召見賜
紫方袍

法天

六仙釋之事非聖人所語而傳記中往往見
之蓋風角遁甲望雲省氣之流雖誕與不
異經而推處妖祥每有效於時而禪於事故
舊志載仙釋之見於鄜者三人茲亦復載

鄜州志

卷之七

二

鄜州志

卷之七

二

焉

災祥

宋

大觀丁亥冬無雪

元

元貞元年春夏大旱無麥

泰定四年春不雨

天曆二年大饑

至正十九年夏蝗

明

永樂八年秋大淋雨五旬乃止

正統二年歲饑

成化二十一年大饑死者枕藉人相食

弘治間水至城下甚為民害一在東嶽廟道

人遙見白衣人於中流持杖若分水狀忽大

雨如注次日城下沙高數丈水由東山下不

為害

弘治八年秋旱

正德七年妖賊作亂起於洛川李午以妖術惑亂遠邇戒嚴知州孫侃備禦有法州人賴之爲立祠

嘉靖七年八年歲歉斗米銀二錢大饑時有妖猿自號靈仙降巫師家發人陰事夜則對人語能飲食如此者五六年後漸消

十一年秋霜殺稼三月初旱六月終方雨八月十九日大隕霜禾未成粒而盡槁次年斗米需銀三四錢大饑

十三年大水入城東門至大什字街水深三尺許是年冬州城南洛水冰凝南北數十丈下有樓閣俎豆之狀時頻歲凶荒餓殍載路次年秋大稔

十六年秋八月忽有蝗自洛河川來其勢遮天其聲若雷大食田穗平川尤甚插尾地中生子如螽斯次年春徧地生子食豆苗有司捕治不能止忽大雨蝗子盡死

二十六年夏一日電雨大作三峽山有一電

大如屋七日消未盡
三十二年夏四月天雨水時久旱忽水雹如
石插

夏六月州東四庄村忽落大冰如堵墻是年
秋七月禾苗已成乃遭土寇牛武鎮川州川
一帶禾苗無不蹂踐張村川尤甚當道奏聞
給事中王正國奉命題勘議銀賑恤免糧差
一年

三十三年十一月天甚寒忽一日陰雲蔽障

黃霧四塞寂若無風而沙土從空散落須臾
厚寸餘不踰時即開霽次年麥大熟

三十四年地震十二月十二日在羊忽有聲
從北來地即搖動山崩川湧房屋頃頽壓死
人畜無筭次年春饑撫按賑恤

三十六年冬黑青見黑青直入人家爬人面
居民皆鳴器持兵於屋上以警禦之人被黑
青瓜傷死者甚衆

四十一年大水六月三十日洛水泛漲衝開

外城百餘丈水突至西山坡下官民房宇漂
沒無存沿洛一帶川地高者漂沒禾稼卑者
水崩石壓不堪耕種分巡道副使張公西銘
呈請賑恤免糧知州蘇時化補築城垣
四十二年冬香爐山桃花盛開數日不落而
自枯次年民多染瘟疫

四十三年大水七月二十一日洛水復漲新
築城崩壞百餘丈其漂沒房宇禾稼與四十
一年同知州蘇璜補築城垣

四十四年七月洛水復漲入城深五尺漂沒
禾稼

四十五年九月軍人王相妻懷孕十三月生
一物畧似人形頭與身齊長四目髮垂至顙
色如紫椹提之則呻吟以上舊志

萬曆十年歲凶民大饑

十四年未稔民多死亡

三十二年歲凶民饑

四十六年飛蝗蔽天經過不爲災

天啓元年八月烽警人民震惶

崇禎元年秋不稔 二年春死者枕藉沅賊

剽掠

九捍衛州城次第有功者都司崔重亨又守備楊塋勳宜君人秦尙英州人

四年大饑朝廷發帑銀十萬兩差御史吳甡

賑濟甡同西安府推官史可法至鄜散金賑

貧闔學生員懇言賑不若蠲甡卽日上疏奉

旨蠲征是年秋七月淋雨七十日冬大雪三

尺人畜多凍死

六年大旱

七年春斗米銀五錢有零奉詔免租三年發

銀賑恤總督洪公承疇駐鄜撫綏

十三年大旱十四年春米一斗銀一兩二錢

道殣相望 州民何亮妻一胎產四女

十六年元旦晝暝黑霧四塞

按漢儒書異必書某地書某郡某邑重所

見也春秋書災異不言徵應以天人相應

之理微也故災亦有反而爲祥者祥亦有

反而爲災者天心有仁愛人事有敬忽安

可執一端以論明萬曆以前災異時書而
晏安如故至崇禎年間凡四書荒旱自元
年至十四五年米價相因騰貴民貧盜熾
此非有以致之而然邪由此觀之洪範休
十咎殆不誣也

七卷終

鄜州志卷之八

藝文志

易曰觀乎人文以化成天下蓋文章與治
道相表裏也余考鄜志詩始於唐記傳始
於明漢魏以前無論已自宋迄明名公之
蒞茲土者或以功名顯或以文章著而鄜
鮮遺文何以故蓋遐荒之地博採維艱兵
燹之餘家無藏帙均足嘆也茲因曩編稍
加採輯然文雖美弗闕治道者弗錄俾覽

其文如見其人如見共事與地焉或於化
民成俗未必無小補云

郡人任于嶠

舊志郡人王邦俊曰郡自書契以來記事之詞以千數斷碣半存不可得而詳矣其存者以及近時所著亦多餘錄其詩皆才士感憤之詞觀風考政曷可棄也其文則有裨風教者錄之作藝文志

唐詩

杜甫二首

三川觀水漲二十韻

我經華原來不復見平陸北上惟土山連天走
窮谷火雲無時出飛電常在目自多窮岫兩行
潦相逐蹙蕩旬川氣黃群流會空曲清晨望高
浪忽謂陰崖踣恐泥窠蛟龍登危聚麋鹿枯查
卷拔樹礪礪共充塞聲吹鬼神下勢閱人代速
不有萬穴歸何以尊四瀆及觀泉源漲及懼江
海覆漂沙坼崖去漱壑松栢禿乘陵破山門迴
幹裂地軸交洛赴洪河及關豈信宿應沉數州
沒如聽萬室哭

風濤怒猶蓄何時

廣州志 卷之八
通舟車陰氣不黯黯浮生有蕩泊吾道正羈束
人寡難容身石壁滑側足雲雷屯不已艱險路
更跼普天無川梁欲濟願水縮因悲中林士未
脫衆魚腹舉頭向蒼天安得騎鴻鵠

在月

今在鄜州月閨中只獨看遙憐小兒女未解憶
長安香霧雲鬟濕清輝玉臂寒何時倚虛幌雙
照淚痕乾

武元衡平章

保大樓

三川會合古鄜州紆紱來寬宵旰憂靜守化條
無一事東風獨上夕陽樓

常莊

丙辰年鄜州遇寒食城外醉飲二首

滿街楊柳綠絲烟畫出清明二月天好是隔簾
花樹動女郎撩亂送鞦韆

其二

雨絲烟柳欲清明金屋人間煖鳳笙永日迢迢

無一事隔街聞築氣毬聲

羅虬 郡坊從事

塵玉亭

花落塵中玉墜沉香魂應上窈娘堤欲知此恨
無窮處常倩城烏啞啞啼

鄭玉

葦谷

水會三川漾碧波雕陰人唱採花歌舊時白翟
今荒蕪葦谷淒涼風雨多

明

金文徵 同知官至祭酒吳縣人

鄜州八景倡和 有序

予與萬物皆寓於天地而天地亦大寓也
能適所寓不為其馳以驟則天地萬物且
寓於予心隨其寓樂矣予官鄜州去家五
千里而強大石窮谷非有予江南之樂也
然予適而樂之知寓之為寓也州父老相
傳其地有八景之勝披署頗暇聊與之觀

焉夫寓不期於寓而至寓無借樂不期於
樂而真樂從之天地一水也予與萬物一
舟也水與舟相拍浮浩乎不知所終拍笑
所往非寓也奚所寓非樂也予故又曰至
人無累作八景詩詠

存七首

峪寺晨鐘

頗類豐山道晨幽響自深鳥翻霜月影僧覺海
潮音入廓催新曙穿巖破積陰毵毵名利者纔
聽卽掀衾

聖佛晚照

西山瞰東谷歆日半崢嶸景逐鷗聲急秋隨雁
背明市喧知客散樹豁見僧行頃刻踈鐘起丹
青畫不成

仙臺夜月

萬響中宵寂層臺淨景虛微颺纔到處清露半
垂初玉樹歌能好霓裳舞自如此中得真趣明
水在方諸

蓮池雨漲

翠盤鳴暫歇新水亂輕漚月襯潘妃步天浮大
乙舟波心深碧吐沙背淺痕收魚出離莖刺雙
雙得浪遊

王女垂楊

翠蓋仙家子瑤池在宴選倩誰開月鏡開自掠
雲鬟影落澄清底情捧僂僂間却愁空谷冷匳
葉易凋刪

開元白松

未聞墨化白今此得觀之應是水霜骨能成鐵
石姿秦封那會染丁憂更驚竒獅子林中月同
光直不移

谷口春桃

出門皆勝賞莫學避秦人細雨微微曉嬌花宛
宛春紅深添粉膩白淡著脂勻我是仙都客重
來覓舊因

龜山

城倚龜山對壽峰卅崖翠色繞重重平原草樹
連蒼峪高嶺雲霞接粉墉東谷碧波千澗落西

巖爽氣幾山從却思韓范當年事經畧宜追百
世踪

聖佛谷

聖佛巖前斜照紅看山人在畫圖中牛羊遠下
千尋坂鶴鶴高盤九曲風欲放歸舟歌浩渺倦
將長劍倚崆峒轉頭若問簪纓者誰似簷前種
菜翁

玉女泉

野客遺野性江湖行十年風濤千丈險渾不似

平泉

張着

開元寺白松

葉墮銀釵細花飛香粉寒寺門煙雨裏渾作玉
龍看

鄭本立

御史
五首

驛庭對松

松葉青青花正香春風吹入羅衣裳呼童酌酒
飲樹傍蒼鱗虬幹入我觴須臾明月出山際醉

倚清陰十丈長

鄜州道中

千里邊城春暮遊
曉寒猶着舊貂裘
郵亭曙色催征蓋
古道斜陽照戍樓
塞外不傳烽火報
城中堪唱太平謳
飛鴻漸近榆關上
遙望長安天際頭

過河上原

活水溪東何處村
桃花栢葉映柴門
千株古樹羅岩壁
百尺危湍噴石根

過小山嶺

耿耿孤村起午烟
楊花飛絮落簷前
寒流一曲澄如練
人掩柴扉當晝眠

其二

山夾清江不斷流
匝江蘿樹隱滄洲
鶯花亦到臨邊地
須信東風無盡頭

胸岡 海岱人

觀玉女池

步躡西山麓來尋玉女池
題詩吳夏客感物古

今思泉滴何時盡
水泐安所之
此中涵至理
川上問宜凡

田龍參議

三川杜甫草堂

問柳尋花爲草堂
急呼村酒醺詩王
乾坤無處容衰老
風雅何人到盛唐
春雨三川驅瘦馬
秋風一劍寄空囊
鄜州旅食崢嶸日
南北音書共渺茫

翟

瓚

兵備副使昌邑人

羗村

老杜遺踪在羗村
吊古丘岔幽山鳥
至天迥赤雲收旅
况一身計詩名百
代留聞關行在日
豈是暮春遊

石星

給事中
二首

登栢山寺觀唐文皇遺像有感

萬丈孤峯鎖翠烟
岩巖堯蘭若出中天
苔滋碣石難尋字
樹老淡羅不記年
邂逅自憐塵外跡
徬徨誰結靜時緣
文皇遺像空宮裏
回首浮名益

黯然

其二

山下溪聲山上聞孤松遙隔萬重雲可憐衣袂
沾塵土却羨袈裟遠俗氛古佛尚存唐世像殘
碑猶勒宋時文登臨欲縱他鄉目漳水秦川路
不分

劉宗仁

兵備副使大名

栢山寺

寒月飛瑤雪巍岑隱翠華山空塔影靜地僻鳥
聲遐栢古煙雲合藤深殿閣斜躋攀間眺迥草
樹動明霞

洞泉子錢

戶部主事

栢山寺

望上栢山寺諸天色像中蘿雲團老衲密雨飛
踈鍾已識諸緣妄難成一味空看松方夾坐驛
騎促行踪

唐

龍

提學副使
三首

弔少陵有感

天寶流離際移家住此村江山惟白石風雨自
黃昏幸弔天涯跡誰招水上魂暮春啼鳥歇寂
寂長溪蓀

子午嶺

嶺名分子午天險限西東劍閣千人廢吳山一
箭雄雲封關樹黑日出塞門紅遠道悲遊子壯
顏成老翁

梅柯嶺

即杜甫遊春處

山色依然在梅花久已通風流不可作香影亦

虛無海內詩名大天邊客興孤荒祠殘雪裏景
物正模糊

陳鳳

金陵人

憇三川尋杜少陵遺墨

錦城會上浣溪堂此地來過跡已荒滿壁龍蛇
尚飛動三川花鳥詎相忘李杜齊名元不忝穆
契許身誰謂狂萬死間關赴行在總令無益志
堪傷

王崇古

兵備副使蒲州人

三川谷口讀杜工部題刻識感 有序

工部昔避難寓三川題聯山壁云長天直
散千山月遠水霞收萬里雲既奔行在尚
憶昔遊有三川不可到之什石剥苔封遺
跡猶存金陵友人陳羽伯刻詩石畔尋卽
旅逝王子讀而哀之賦弔一首

千山晴月古今同萬里歸雲澗壑空飄泊當年
憐杜老淒其異代憶陳公磨巖舊識山靈護弔
古新傳草聖工錦水秦山均羈旅天涯千載一

歸鴻

馮舜漁 兵備副使蒲州人

栢山寺

雪霽雲晴春日遲程勞頓發坐禪思我來信馬
穿幽徑古栢林深僧未知

其二

古寺凌空起名山愜奮聞虎溪初漲雪寶塔上
垂雲貝葉翻經午爐香禮日燠都無塵俗到蓮
社願同君

其三

浩劫從何代人傳自有唐神堯方比跡開國自
空王翠輦應留蹕雄圖只畫墻浮雲不可住銀
海正微茫

張旄

知州長靖人

栢山寺

雲中山抱寺飛閣聳禪林偶爾談空部倏然悟
道心群松爭壑秀流水奏笙音去去奔忙急風
塵漸古今

焦希程

知州泌陽人

曉遊栢山寺諸生見留

曉月明丹壑凌霜躡翠微尋幽依古栢覽勝待
朝暉駭壁君容在闕河帝業非論文有佳士為
爾忽忘歸

余善繼

同知前戶部主事長壽人

栢山寺

策馬尋山寺春城野望中雙僧遙共語一徑遶
鳴鐘梵宇塵凡遠禪林色像空天涯萍梗客對

景倦行踪

陰秉陽

僉事

仰山西墅

郡人參政宋公建別號仰山

山畔誰開附郭堂
登臨幾度憶忠良
萬家市井烟中秀
千樹菴霖雨後芳
石洞曲欄無粉繪
牙籤滿架有書香
今來假息殊增感
步立清霄看月光

陳

斐

恤部郎中
二首

宿栢山寺

初秋涼雨歇塔寺更清幽
窓靜無人話燈孤有
客留篆烟分曉霧松韻合溪流
北望龍華近渾疑到帝丘

登仰山西墅

松野道人自姓朱
尋幽邀我鄜山隅
誰開陰洞含蘭霧
更敞靈堂宛畫圖
人卧少微星宿伴
爐封太乙鶴松呼
幾年兩寶三花樹
小築臨芳二老夫

劉汝松

知府

栢山寺

靈山開淨域孤塔出高峯碧色千巖靄秋聲萬
樹松名香散寶地團日麗金容更欲乘危上白
雲隔暝鐘

劉仕

刑部郎中中郎人

同王生遊黑水寺

黑水鄜名寺吾徒共此遊白猿出獻果青鳥解
爲儔雲擁懸崖迥溪廻古戍幽老僧一鉢在鎮
日不魯愁

張玠都御史

早發隆益宿直羅有感

危石山盤路寒雲澗落泉花開紅帶雨林合翠
浮烟日落孤村外僧來埜寺前直羅明月在何
處是南川

金禹績二首

石泓寺

飛閣撐雲棧清泉遶茂林何年開石髓長日照
禪心貝葉橫經案幽禽禱磬音山僧無一語應

亦笑纓簪

其二

丹崖環碧水寶梵倚蒼峰暫憇雙塵足來看萬壑松禪香浮篆案僊籟伴晨鐘翻羨幽人好閒心契寂宗

田汝麟 知府

寒食過葫蘆河有感

葫蘆河上逢寒食立馬荒城已暮春不爲感時頻悵別祗因弔古一沾巾
菴紅柳綠催詩急

驚神
白山青入畫新獨有宦遊人易老天涯何事不

吾泉

晚過壽峰寺

昏黑過山寺尋僧問往年藤蘿連一水星月映諸天磬出秋林外燈懸古像前何能解簪紱一就石床眠

陳武華 知府

赴任延安宿黃甫店書懷

一劍趨邊地孤村宿水涯塞雲愁結慘磧樹暑
方花危石疊飛磴懸崖齊落霞捫天徑宛轉探
井澗交加魂斷羊腸處心傷雁足賒稅車隨暮
雀飛蓋散晨鴉赤日垂藤遠黃塵驛路斜征衫
鈎枳棘蓬鬢上泥沙褊襫憑誰道酸辛祇自嗟
病來身似葉愁起亂如麻樽散難酬國萍漂莫
問家中山昔畫虎上郡復從蛇熊軾還誰倚龍
船且漫誇封泥雄志氣棄繻富年華烽火臺仍
在要荒路易遐遠田多種黍近郭亦宜瓜郊野
雖無壘安危慎建牙三川扼異域五馬愧當衙
桑土及先雨泥塗戒後車風雲崇節制斥埃渾
窟窪芻餉動區畫封疆削僭差玉關開戶牖金
界淨蕪葭萬里河源路還看漢使槎

宋

宜

郡人叅政

龍湫

曉日晴嵐開疊嶂薰風五馬獨追遊杖藜直上
諸天迥撫景寧無范老憂千里河山環指顧百
年身世任淹留龍湫高處頻凝望五色雲應擁

帝州

王邦俊 郡人 都御史 二首

谷口春苑

清流一曲泛菴花山外茅檐四五家
自避秦
逃世去閒居終日卧煙霞

又

蟠菴何窈窕綠林結飛葆清流漱其根
白石空
皓皓中有幽棲人于焉此終老
久與人世遠沉
光以為寶嗟余抗塵容稅駕胡不早
看山識真
荃不語聞于道
返路遵山阿
遐御長瀨瀨

王建屏 郡人 叅政

北山寺

北山樓閣迥幽居倚杖登臨望眼舒
繞檻水聲
心獨寂入山雲影迹同虛
門開野色青峯出
鳥
下夕陽
古樹踈白社
當年吾有意
遠公清興欲
何如

謝奇舉 御史 湖廣人

鄜延閱武

旗作巖關車作城于今日見秦兵風生萬里
鳴笳後雨撼千山擁隊行帳底鳧飛驚卧鼓雲
中鷗落不聞聲無衣賦就烽烟冷歲歲遙天罷
遠征

劉三顧

監軍兵衛

曉過子午嶺

野店烟消客夢驚桓桓多士計宵征嶺分子午
知南北星以完稀辨晦朔兩岸層巒留月影幾
灣瀾水帶松聲人情忙裏無餘况馬上相看一

劍橫

山王兆齡

郡學生

開元寺晚眺

遠市中林囂已刪千峯羅列抱禪關巢松鶴穩
天同寂鋪砌雲留僧共閑樓外疎鐘常入夢烟
中疊嶂欲重攀躄竒自是生成癖月小東山尙
未還

空任手巾

郡學生

寐寔羗村

郡學生

寂寞羗村路少陵不復遊客來山欲暮人去水
空流遺咏殘碑在尋幽古洞留悠悠無限意俯
仰已千秋

中王天壽 郡學生

天回西山塔

塔勢稜稜參碧天清輝直與佛光連俯臨大地
山河壯仰射長空日月懸洛水遶流誰飲恨龜
山高聳此迴還千秋事業雲霄外爲問高僧第
一禪

國朝

耿應衡

兵備副使黃安人

春日鄜延道中

鄜月愁看兩度春寇殲此際計邊巡石崖掛雪
全欺日河畔凝冰竟渡人稍播荒徼田界別牛
乘初霽穡功辛遠矜雨足黃沙淨一任風吹未
有塵

許瑤

兵備副使常熟人二首

鄜州官舍命蒼頭搜山土出崖間石忽大

雨如注衝開石臺閒殿軒豁床坐磴畢具
詩以誌喜

肩雨劉山骨急溜鍤其土淋漓出元氣突將生
面睹踞如虎豹蹲躩岩蛟龍怒竦似冠劍立偃
若髻鬟俯漸如層水觸蕪若春雲吐緬想古之
人誰與此山主雕鏤窮地肺軒豁開天宇胡爲
千百年兵火埋荒莽我以本無心翻成却有數
畧刻足竒觀健于五丁斧蕪蕪百草香點滴玉
女乳試喚州人觀人力何能取懷袖非一拳配

嶽已尺五微茫鑿混沌嶽崎問天姥愧非牛竒
章甲乙分四部又非李贊皇醒酒擁政譜朝揮
祖龍鞭夕飲將軍羽鍊成霞五色仰佐媧皇補
勅我童僕或雜婢妾去其頑土乃見階級若或
成之若或有待乃雨乃霽石臺斯在狀若蕤苞
辨分七采署值其房乃軒其蕾有覆若甍有平
若塋若床者偃若几者凭左擎寶塔飛光四越
萬山尚陰金標始揭右遮玉峯高奴故城文皇
尉遲于此經營三川之漲激撞碎湃松濤鐵馬

厥胸乃澹對面列屏若帶若拱時雨將降雲氣
所翦不役一夫不煩一官迤在掌心縱目大觀
盛暑載涼嚴寒載煥起草揮毫結疏披旭引藤
爲架藉石爲茵是宜管文振藻若津三邊形勢
靜謀動怒是宜觀武烽壘畢覩我僕既痛後人
諗焉踵事增華何人何年

署壁畫竹

一節兩節凌天風三葉五葉排空濛坡老何嘗
不心細筆肥墨飽即真龍

彭年

西安同知

尋杜甫宅

草堂曾築滾西灣老屋鄜州又數間秋水尚留
筇杖往春星猶帶酒杯寒亂離失路奔行在飄
泊何心樂考槃客宦天涯皆萬里閨中有月不
同看

楊素蘊

參議 互君人二首

春日同諸士飲玉女泉

盃光含霽日柳色映清波花正留春住吾今載

酒過瀟騷問逸響慷慨發悲歌勸醉須傾倒相
看去日多

見山樓卽事

何處堪長嘯樓高秋氣寒雁行杯裏度山影座
中看摘葉緝詩藁抽絲理釣竿幾回花月在坐
久不知闌

王國禮

州同知紹興人

署中感雨

旅懷無賴日偏長滴瀝愁聲送夕陽霧鎖山城
烟斷合風侵暑榻直淒涼已知鄉夢秦關隔聊
寄歸思洛水旁惟願三時農有藉麥花秀後稻
花香

柳永亨

州貢生

西山署中書榭

峻嶓一榭跨西城特然青藜集俊英松牖連雲
蟾影近珠簾掛斗筆花生山鋪翠爽千層碧水
迤漣漪萬派清四顧恍如圖畫裏春風到處聽
嚶鳴

楊抱醇

州庠生

玉女泉

玉屑霏霏不斷流
恍疑神女弄珠遊
月明人靜方亭小
身到瑤臺十二樓

王京齡

州人國學生

東山

高爾勛莊

別業城東闢依稀
似輞川侵亭筠
裊裊近榻鳥翩翩
門有樵人跡
心空濁世緣
詩成吟石上
酒醉卧花邊
水遶天疑動
山圍翠欲連
物如塵外閒
景若畫中妍
高坐清虛地
遐瞻寥濶天
樓臺初過雨
澗壑亂鳴泉
園種陶公菊
几攤莊子篇
青鞿踏碧草
紫杖破蒼烟
寄傲襟懷壯
修真趣味偏
愛君無所累
踈散一神仙

高爾勛

州人

玉女泉二章

有泉有泉其名玉
女聞環佩聲
不見其處一有泉
有泉其名玉女
其聲如語
載觀其處
白石在

渚

宋民譽

府學生州人二首

玉女泉

步月登亭爽氣侵
夢閒城市亦山林
雲寒素女搖珠佩
漏轉星池奏玉琴
泠不調司馬病源
清堪洗隱之心
臨流漫憶升沉事
幾度春風滴到今

冬日過太士嶺次雲蘿

書劍風塵裏
勞勞惜此生
層陵逐短晷
野店伴長更
鳥徑寒冰積
霜林衰草橫
登高憑駟望天

際暮雲平

任于嶠

貢生三首

北山寺訪上人不遇

問訊沙門柳岸傍
白雲深處卽羲皇
到來便覺塵緣淨
坐想纔知往日忙
空院無人花自落
禪關不掩草仍香
由來此道原無住
不見山僧意更長

曹村寺二首

不知何代寺寥落
幾經年樹老鶴仍在
錫飛僧

未還斲碑猶有字古殿半無椽靈鏡亦磨滅塵
區益可憐

其二

愛山情不盡來往憇禪林未雨石先潤無風松
自吟天花依舊落貝葉正堪尋惆悵歸鞭促浮
名違此心

齊國侯

州學生二首

羗村

杜老村還在詩傳世已非徑荒猶宿鳥山古欲

生薇漂泊同今昔登臨任去違澗繁誰與比嘉
遯好忘機

准提庵

古塔何年建招提今日新人皆求福地誰去掃
凡塵世味看陵谷禪心喻水濱吾當供燈石方
外且相親

齊國侯

州舉人

草自三川杜拾遺石刻

許國常餘憾三川幾過家苔封石上筆水浸岸

頭霞山月猶頻照長天未有涯年年春易去野
草自含花

楊敷政

州學生

且開元白松

參天挺玉榦印石古森森護像能依麓含雲時
作霖鶴來鐘外影顏老梵中音閱歷幾千載爾
瞻古若今

趙錫胤

進士虜施人

王女泉次韻

春來踏雪劇寒侵爲愛瑤池步蕪林尺水澄泓
疑砌玉清流滴響似鳴琴飛雲忽見垂楊影映
月時留玉女心未問當年誰記勝空餘遺跡到
而今

楊蔭階

郡學生
二首

開元寺

此地堪迢迢松風入夢微浮雲空世事明月映
禪機論道佛無着着僧俗覺非此間有真意可
向靜中尋

向 遊北山寺

携友尋芳物外天
禪關深處遠塵銓
老僧共話蒲團上
空盡浮生未了緣

齊大岳 郡人知州

春日過花園庄

尋春人已古
雲嶺憶孤蹤
為謝東風力
園花今

又紅

賦

明

鳴蟲賦

王邦俊

繁萬族之攝生兮
順時序以代謝
溫風至而居
壁兮蟋蟀鳴於中
在伊微物之何知
兮識秋氣之將臨
負纖纖之薄質兮
懷炯炯之一心
將全身以遠害兮
託穴處於幽深
孕南訛而振羽兮
迎西陸而揚音
羌與世其何求
兮若有訢而長吟
於是直沉沉而歛
霧月皦皦以流光
涼飈颯

以入戶清露下而霑裳瞻山河之岑寂聆天籟
之悠揚感先秋之振響驚顛景之摧芳於是僕
本遊子抱劍辭親越商洛之峻坂涉黔楚之荆
榛畏簡書之孔赫犯雨露之晨昏爰自春以徂
夏忽蓐收以司辰思親舍之遙隔徒結腸而愴
神念薄軀之偃蹇兮恒與世而多違嘆年華之
迅邁兮愚垂百之親闈望秦雲之縹渺兮心怍
怍而欲飛想鹿門之青山兮憶滄浪之釣磯吾
將迴王陽之馭兮返薜荔之初衣

傳

明

宋大叅傳

王邦俊

公諱宜字獻可別號仰山嘉靖乙酉舉於鄉明
年成進士授行人奉命祭瀋府瀋王以贄來公
悉却之成禮還報命頃之擢南京監察御史時
中貴驕貪不法公疏論其狀又言時事忤旨下
獄無何上意解竟不加譴以逆耳言忠也時鹽
徒倡亂上勅御史巡江御史遍歷江境則曰鹽

徒姑亡慮第海外交通倭且至矣柰何於是劾
諸有司其畧曰通海之商不知覺察使倭來窺
我將如之何諸有司始稍稍備海防又陳四事
曰嚴武備專委任築城垣控要害後倭果來御
史所備賴以無恙用才望擢真定太守郡繁劇
簿書填委公至無留牘事來大積不逾時決矣
人稱曰此宋一時者也公性廉往驛站郡府出
納多取盈羨而吏承侯缺者以千數輸班銀公
請驛站州縣自支而班銀悉革歲省殆萬金焉

郡路故無樹則後有司植柳人稱爲宋公樹有
甘棠之思焉此其政蹟尤著者也他不具論陞
湖廣副使瀕行郡人遮道泣別爲之歌曰宋青
天不愛錢收我民恩三年居湖廣頃之內艱復
起爲河南副使所至庶惠皆有生祠尋陞四川
叅政歲饑公請賑躬驗其饑狀而予之所活數
萬人他賑者多照丁冊出粟貧丁多不得粟死
者相藉巡按袁公曰世多云救荒無策若叅政
能活人他皆不能豈無策耶時白草蕃屬又作

亂叅政督兵征之授策擒巨魁股肱白沙等三
人諸番大恐叅政乃下令曰汝即降無盡戮汝
番遂降叅政又城堡要害增飭戍守番心降無
叛意捷聞主上賜銀幣公庶正嫉惡嚴而才望
蒙忌姦佞者陰中焉以此罷而公嘗以展禽直
道見黜自快幸矣罷歸居西山別墅稀謁公府
鄉人有急難必赴之人以是歸焉王邦俊曰余
生也晚不睹公行事然父老所傳竊聞之以公
才名致位公卿猶易然亦軾軻嗟夫屈平見放

憔悴江濱賈生蒙斥流落長沙忠才之士不易
通顯蓋自古有然矣余歷巴蜀至維州見白草
諸番効命爲吾藩衛則仰嘆公所以降撫之功
焉及登籌邊樓見李文饒遺烈因長慨矣李氏
以功而顯而唐公乃遽沒不彰也其遇不遇豈
非命耶然愚嘗竊聞公之侍大父長史公藩邸
大父病公以詩諷有總見菴紅菊又黃落花無
數嘆人忙故山明月清風在吟弄心閒景自長
之句是年公年纔十四其達觀已如此矣然則

其遇不遇公視之豈何如哉愚今據實傳聞著
記其實行不可考者猶多不得傳是愚之罪也
夫

王中丞傳

任于嶠

中丞王公者鄜人也諱邦俊字虞卿別號壺嶺
上世江寧縣人諱清者仕爲神木令秩滿家於
保安縣尋遷於鄜父澗由文學爲富平博士公
爲長子自幼寡言笑聰穎不凡讀經書過目成
誦每爲文士人爭相傳誦先達名流咸屈年求

爲友河東馮公舜漁負重望於時治兵河西見
而竒之曰此子非池中物當乘雲雨而飛去者
年未冠補弟子員餽於庠萬曆元年膺恩選是
年癸酉夢揭天榜見大書已名其下書禮記二
字公方業毛詩得此夢即改習戴禮數月而通
遂領鄉薦明年甲戌成進士遂入重慶府司李
入爲兵部職方司主事遷選司員外車駕司
郎中爲湖廣按察司僉事調遼東寧前兵備
以異政著聲爲廣寧兵備以疾歸二十七

州楊應龍蠢動以塗炭廷議皆云公才氣非常沉密有大口可任用弓旌賁丘園補貴州兵備公陳情方懇必不赴任曰慈母九十三歲有如風燭烏鳥之相難以割離朝命不允賁以滅此朝食勢不可已乃就道有魂銷腸斷心折骨驚之句至貴州先察形勢設方器輒中緘之郭公倚重焉六月六日出其不意攻破海龍回直擣窟巢元兇膏斧餘孽就伏地方遂以十定捷奏朝廷嘉其績奉旨陞職加級如遇邊方巡

撫員缺卽以推用而公方思老母泣血告歸得以終養既而丁艱哀毀之甚幾不能治事公於此時不欲復出而朝廷方重念夙勞復起官爲昌平兵備時昌平有九陵設中貴九人分衛設一人總衛威福赫赫傾軋內外前任兵備遠已者皆以蜚語中傷公性剛方不肯阿附而冰蘖自矢無間可乘內相跡其事不得亦竟不能陷害居七載以異績陞薊鎮開府蒞任黜墨吏某劣將某望風解綬者相繼察舊例操賞贖錢等

項銀兩一槩革除戒門者一切常餽弗納振綱
肅紀興革大利弊數月之間道不拾遺外戶不
倚軍中譎爲召虎先是監司陞巡撫者致謝當
路有常例公囊橐蕭然不與通刺當事者啣之
或以告公公嘆曰剝軍民而固位吾不爲也章
屢上乞致朝廷不允屢以溫綸留慰乃閉戶辭
疾五閱月方許歸軍民卧轍不能止公爲人厚
重高亮推誠布公自爲卽爲臬爲藩爲中丞歷
官四十年惟以經術飾吏事尚德崇簡一念不

苟尤嫻於戎政凡舉措事事有法人不能及既
罷歸廷臣交口推轂以公之才可屬以邊事撫
按招隱皆不應其文詞據上流不屑一切廷試
一策最奇應列鼎甲執事忌其才且限於鄜地
鄙小竟置三甲歸林下無長物賦詩課子泊然
無營治別墅於郭家莊近羗村杜少陵宅大書
刻石曰少陵舊遊年七十卒於家所著書甚多
皆不存惟於燼餘見征南草一卷詩集一卷弟
邦秀作鄆城令子三人兆齡京齡元齡皆髦士

論曰王氏先世文中子非所稱古今名儒哉唐
貞觀諸臣修隋史獨遺通名宋鄭樵作通志亦
不爲通立傳君子未嘗不議樵之疎而咎史之
誤也余雅聞中丞之賢爲吾邦冠冕乃生也晚
未獲親炙至遺事遺文亦厄於兵火而不可詳
聞良可嘆已嘗聽父老相傳之言曰中丞自爲
諸生時尚志節好經史口不言財貨歷官四十
年清名著於朝野又曰公歷官凡十餘處所至
人民感化去則遮道嗚呼此亦可以觀其大畧

